



Piše: Goran MRKIĆ
(goranm@avaz.ba)

HRVATSKA

Vlasnik 'Integrala' iz Laktaša nije prijavio novac

Stankoviću na granici oduzeto 460.000 eura

Tvrdi da je „kao privatna osoba u Banjoj Luci podigao dividendu koju je htio uložiti u Srbiji“

Vlasnik preduzeća „Integral inženjering“ iz Laktaša Slobodan Stanković ustvrdio je jučer da „nije prekršio zakon“, iako su prekjucher na graničnom prijelazu Stara Gradiška hrvatski policajci u njegovom automobilu uočili veći iznos novca koji nije prijavio carini ni policiji prilikom prelaska državne granice BiH s Hrvatskom, javlja Fena.

Veliki iznos

Stanković se oglosio za pojedine medije u Banjoj Luci tvrdnjom da se protiv njega „vodi hajka“, a nakon što je BN televizija, ne iznoseći identitet osobe, javila da su pripadnici hrvatske carine i Policijske uprave na prijelazu Stara Gradiška prekjucher oko 17 sati obavijestili kolege iz BiH da su prilikom prelaska granice zaustavili osobu koja je nosila 460.000 eura. Portparol Policijske uprave brodsko-posavske Kata Nujić kazala je da će protiv te osobe biti predložena optužnica Inspec-



Stanković: Provjera porijekla novca

ktoratu Hrvatske zbog prekršaja iz Zakona o deviznom poslovanju.

- Svaka osoba prilikom prelaska državne granice s većim iznosom novca obavezna je to prijaviti carinicima, a mora posjedovati i odgovarajuću dokumentaciju - pojašnila je Nujić, ne saopćivši o kolikoj svoti novca je riječ, kao ni identitet privedene osobe.

Podigao dividendu

U reagiranju Stanković je rekao da je istina da je „kao privatna osoba u banci u Banjoj Luci podigao zakoni- to zarađenu dividendu u na-

mjeri da je upotrijebi za širenje posla u Srbiji“.

- Potvrdu o porijeklu novca trebalo je da, kako nalaže zakon, priložim tamo gdje novac i ulažem, dakle u Srbiji. Međutim, policija na hrvatskoj granici odlučila je da provede provjeru porijekla novca, nakon čega će novac biti vraćen vlasniku - rekao je Stanković.

Tvrdi da je to normalna procedura i da je „riječ o medijskoj manipulaciji, jer u tom slučaju nema počinjenog krivičnog djela“.

Az. D.

Granična policija BiH nema informacija

Direktor Granične policije Vinko Dumančić izjavio je sinoć za „Dnevni avaz“ da ova agencija nema nikakvih informacija o slučaju.

- Hrvatske kolege nisu dužne da nas obavještavaju o ovakvim slučajevima. Koliko sam upućen iz medija, to je uradila carina Hrvatske - kaže Dumančić.

Izveštaj „Transparency Internationala BiH“ za prošlu godinu

Veliki broj prijavi protiv Lijanovića

Prijave pristigle u „Transparency International“ (TI) BiH tokom 2012. godine ukazuju na to da su nepravilnosti u zapošljavanju i dalje najveći problem s kojim se građani susreću, a najviše prijava odnosi se na državnu upravu i obrazovanje, potvrdila je za „Dnevni avaz“ Ivana Korajlić, portparol TIBiH.

Korajlić je naglasila da je tokom prošle godine Centar za pružanje pravne pomoći u borbi protiv korupcije TIBiH primio 972 poziva putem otvorene besplatne linije za prijavu slučajeva korupcije.

- Najveći broj prijavi u prošloj godini odnosi se na državnu upravu, zatim na

obrazovanje, pravosuđe i imovinskopravne odnose te pristup informacijama. No, kao i u prethodne tri godine, najviše prijavi u svim oblastima odnosilo se na nepravilnosti i zloupotrebe pri zapošljavanju, gdje je uočljiva pristrasnost pri izboru kandidata na različite pozicije - rekla je Korajlić.

Veliki broj prijavi odnosi se na neregularno provedene konkurse za prijem državnih službenika na svim nivoima vlasti, ali i prijem zaposlenih u javna preduzeća i javne ustanove, potcrtala je ona.

- Tokom prethodne godine dobili smo pet prijavi koje su se odnosile na neregularnosti u postupcima do-



Korajlić: Primili veliki broj

djele podsticaja za poljoprivredu, od kojih je neopho-

dno istaći prijave u vezi s djelom podsticaja od Ministarstva poljoprivrede, vodoprivrede i šumarstva FBiH, pod sumnjom da su podsticaji dodjeljivani licima koja nisu poljoprivrednici, s ciljem pribavljanja glasova za Narodnu stranku Radom za boljitak - rekla je Korajlić.

Ona je podsjetila da je protiv ove stranke TIBiH prošle godine podnio i prijavu Centralnoj izbornoj komisiji (CIK) BiH za kršenje Zakona o finansiranju političkih stranaka.

- Nadamo se da će nadležne institucije konačno pokrenuti istragu u ovom predmetu - rekla je Korajlić.

M. Aš.

Ubijanje zlatne koke

Gubitak „BH Telecoma“ od 3,7 milijardi maraka u periodu od šest godina nisu očekivali ni najveći pesimisti

Kada nadležni organi BiH, po uzoru na susjedne zemlje, krenu u obračun s organiziranim kriminalom i korupcijom, jedna od polaznih tačaka mora biti „BH Telecom“.

Poznato je da je ova kompanija godinama korištena isključivo za potrebe SDA; punjenje crnih stranačkih fondova, nagrađivanje podobnih medija i agencija kroz marketinške ugovore, uhljebljenje stranačkih kadrova itd. Zbog takve, dobro poznate politike, pozitivnim vijestima iz ove kompanije niko se nije nadao.

No, da će rezultat biti gubitak od čak 3,7 milijardi maraka u periodu od šest godina nisu očekivali ni najveći pesimisti. I ako je od kadrova SDA - previše je. Upravo je toliko, pr-

ema podacima Sarajevske berze, smanjen kapital ove kompanije od 2007. godine.

U isto vrijeme, druge kompanije poput „M:tele“ uspješno su razvijale svoje poslovanje, pa je jasno da je uzrok propasti (nekadašnje) „zlatne koke“ Federacije isključivo posljedica kriminala i nestručnog rukovođenja, a ne tržišnih uvjeta.

Za taj novac mogli smo graditi autoputeve, otvarati fabrike, podizati škole i bolnice... Sada je jasno da je taj novac izgubljen, kao i šansa da se jedno uspješno javno preduzeće iskoristi kao motor razvoja cjelokupne privrede.

Jedina satisfakcija opljačkanim građanima bila bi da one koji su uništili ovu, ali i druge javne kompanije vide iza rešetaka.

www.avaz.ba



PORTAL - komentar dana

Zijad Krnjić se plaši smanjenja penzija!

- Nedopustivo je da se desi smanjenje ionako malih penzija, pogotovo onima koji su je stekli s punim radnim stažom ili godinama života. Pa i sami znamo da je posljednje povećanje bilo prije pet godina. (Mirsad Nazifovic)

Doko NINKOVIĆ/TO JE TO

